



**ANDERSON JUNIOR COLLEGE
JC2 PRELIMINARY EXAM 2015
BAHASA DAN KESUSASTERAAN MELAYU
MLL H2 9559 PAPER 1**

Tarikh : 2 Sep 2015

Masa : 3 JAM

ARAHAN

- 1 Kertas ini tercetak dalam dua bahagian yang berasingan :
Bahagian 1 (KARANGAN) dan Bahagian 2 (BAHASA)
- 2 Calon-calon hanya dibenarkan menggunakan kamus semasa menjawab soalan karangan. (1 jam 15 minit.)
- 3 Baca dengan teliti arahan pada setiap bahagian sebelum menjawab soalan-soalan.
- 4 Lampirkan muka surat hadapan ini pada kertas jawapan kamu

Nama Calon : _____ No PDG : _____

SOALAN		MARKAH
BAHAGIAN 1	KARANGAN (35 markah)	
BAHAGIAN 2	(A) LENGKAPKAN TEKS (5 markah)	
	(B) KEFAHAMAN & KOSA KATA (30 markah)	
	(C) KEFAHAMAN & KOMENTARI (30 markah)	
JUMLAH (100)		

Kertas 1 (Bahagian 1)

BAHAGIAN A (35 markah)

Arahan: Tulis sebuah karangan yang panjangnya tidak kurang daripada 460 patah perkataan mengenai satu daripada tajuk di bawah ini.

(Dalam pemberian markah, gaya bahasa, isi karangan dan susunannya akan dipertimbangkan)

1. Kamu telah menyaksikan suatu peristiwa penderaan yang berlaku. Ceritakan pengalaman tersebut dan apakah perasaan kamu semasa menyaksikan perkara tersebut berlaku.
2. Remaja masa kini mempunyai sekitaran yang kondusif bagi membentuk keperibadian yang terpuji. Sejauh manakah kamu bersetuju dengan kenyataan tersebut?
3. Usaha untuk mengekalkan kemajuan negara bukan hanya terletak pada pundak pemerintah kita sahaja. Beri pendapat kamu.
4. Berikan pendapat kamu berdasarkan grafik berikut.



Kertas 1 (Bahagian 2)

ARAHAN: Baca arahan yang diberikan dengan teliti. Kemudian, jawab soalan seperti yang diarahkan.

Jawab SEMUA soalan.

BAHAGIAN A (5 markah)

Arahan: Dalam petikan di bawah ini terdapat 5 tempat kosong. Isi setiap tempat kosong ini dengan perkataan yang sesuai mengikut konteks petikan karangan tersebut. Kemudian, tulis jawapan kamu mengikut susunan perkataan dalam petikan karangan di dalam kertas jawapan yang disediakan.

Terdapat fenomena yang sungguh luar biasa di air terjun Chestnut Ridge Park New York. Di situ berlakunya pembakaran api abadi 1)_____ semula jadi. Dikatakan api itu tidak pernah padam 2)_____ beratus ribu tahun dahulu dan 3)_____ legenda, api itu mula dinyalakan oleh puak Orang Asli Amerika. 4)_____, apakah yang membuatkan kawasan itu cukup istimewa sehingga api di belakang air terjun itu 5)_____ menyala selama bertahun-tahun? Banyak teori dan penemuan hasil daripada kajian yang dilakukan oleh para penyelidik namun fenomena api abadi itu tetap penuh misteri, cantik dan menakjubkan.

BAHAGIAN B (30 markah)

Arahan: Baca petikan karangan di bawah ini dengan teliti.

GAGAL : BERSALAH ATAU TIDAK?

Oleh Md Nizar Parman mdnizar@siswi.com

Setiap orang pasti pernah mengalami pengalaman menghadapi kegagalan. Tidak kiralah sama ada gagal dalam peperiksaan, percintaan ataupun pertandingan yang disertai. Selalunya apabila gagal, seseorang itu pasti mencari pelbagai alasan. Seperti dalam lagu 'Bangau Oh Bangau', yang meletakkan kesalahan pada si ikan yang tidak timbul apabila dirinya kurus, begitu juga si ikan meletakkan kesalahan pada pihak lain pula dan begitulah seterusnya, seolah-olah masing-masing tidak pernah membuat salah.

Memang **lumrah** sifat semula jadi sebilangan manusia gemar mencari dan memberikan alasan terhadap setiap perkara yang berlaku dan kelemahan diri sendiri jarang-jarang dapat dilihat. Manusia juga biasanya akan berasa lebih selamat dengan menyalahkan pihak lain dan berlindung di sebalik sebab sebenar sesuatu masalah itu berlaku.

Sejarah telah membuktikan bahawa kebanyakan tamadun hebat dunia yang runtuh juga berpunca daripada sikap suka menyalahkan pihak lain. Empayar Rom mengalami keruntuhan kerana sikap pemimpin mereka ketika itu sering bertelagah dan saling menyalahkan pihak lain apabila mengalami kegagalan. Akhirnya empayar hebat yang dibina selama beratus-ratus tahun itu lenyap begitu sahaja. Dalam dunia perniagaan pula, jaringan hubungan merupakan aspek yang sangat penting dan mereka perlu berbaik-baik dengan semua orang untuk terus berjaya. Sekiranya mereka asyik menyalahkan orang lain ketika keadaan mereka **gawat**, seolah-olah mereka mencipta 'musuh' mereka sendiri. Maka tiada satu faedah pun yang mampu diraih.

Tidak boleh dinafikan bahawa orang lain mungkin bersalah, namun itu bukan alasan untuk diri sendiri terus gagal. Jika kita terjatuh di jalanan kerana tersepak batu, wajarkah kita menyalahkan batu kerana ada di situ; cuba renungkan sebab orang lain yang melalui jalan itu tidak jatuh. Mengapakah hanya kita? Apabila seseorang itu sedar dirinya bermasalah atau masalah itu berpunca daripada kelemahan dirinya sendiri, dia akan berusaha keras untuk memperbaiki kelemahannya. Jika dia masih berbangga dengan keupayaannya mencari alasan, masalah yang berlaku tidak mungkin selesai dengan pengakhiran yang baik. Apabila kita dapat menerima kegagalan diri sendiri maka titik permulaan untuk melangkah ke hadapan dapat ditemui. Sesungguhnya, **kegagalan yang ditempuhi merupakan guru yang sering memaafkan kita.**

Amalan saling menyalahkan orang lain jika gagal hanya menyebabkan kita semakin kurang bermotivasi untuk berjuang mencapai kejayaan. Jadi kemampuan untuk mengesan kelemahan dan kekurangan diri amat dititikberatkan. Sekiranya kita sering bermuhasabah diri dan **membulatkan tekad** yang jitu untuk bersedia berhadapan dengan kegagalan, maka kita tidak perlu mencari alasan apabila gagal. Dengan demikian kita tidak perlu khuatir dengan apa-apa sahaja kebarangkalian yang akan berlaku pada masa hadapan.



Arahan: Berdasarkan petikan karangan di halaman 4, jawab soalan-soalan yang berikut dengan menggunakan ayat kamu sendiri. Kemudian, tulis jawapan kamu di dalam kertas jawapan yang disediakan.

6 Mengapakah manusia selalu memberi alasan apabila menghadapi sesuatu kegagalan?

(6 markah)

7 Terangkan kesannya jika manusia sentiasa mencari alasan atas segala masalah yang berlaku.

(6 markah)

8 Mengapakah dikatakan '.....kegagalan yang ditempuhi itu merupakan guru yang sering memaafkan kita'? Jelaskan.

(6 markah)

9 Bagaimanakah perlu kita persiapkan diri untuk menghadapi apa sahaja kemungkinan? Terangkan.

(6 markah)

10 Terangkan maksud perkataan-perkataan yang berikut mengikut konteks petikan yang diberikan.

(6 markah)

a) lumrah

b) gawat

c) membulatkan tekad

BAHAGIAN C (30 markah)

SUMBER A

Arahan: Baca petikan karangan di bawah ini dengan teliti.

Peranan dan Pengaruh Wanita dalam Era Globalisasi..... *Hanafi Timan @DE.dbp.my*

Wanita di negara kita merupakan antara golongan yang bertuah di dunia kerana tidak pernah dipinggirkan atau dinafikan hak dari pelbagai aspek. Malah banyak usaha dilakukan bagi menyediakan persekitaran yang kondusif untuk memastikan penyertaan wanita lebih berkesan dalam pembangunan negara dan seterusnya menyumbang kepada kestabilan pertumbuhan ekonomi.

Oleh itu golongan wanita harus terus mengorak langkah bagi merebut peluang dan ruang yang ada untuk mempertingkatkan pencapaian mereka dalam pelbagai bidang dan aktiviti di samping membuka dan menyahut cabaran yang lebih besar untuk terus berperanan dan berjaya selaras dengan proses pemodenan negara.

Memandangkan sumbangan kaum wanita kepada pembangunan negara diiktiraf, peningkatan dalam penyertaan wanita sebagai tenaga buruh dan aktiviti pembangunan negara semakin menyerlah dan kian positif. Ramai wanita yang berkerjaya dan kini berupaya meraih pendapatan dan kekayaan. Peranan mereka juga semakin berpengaruh bukan sahaja dalam hal rumah tangga, tetapi juga dalam organisasi mahupun negara.

Perlu disedari juga bahawa sebagai isteri, ibu dan anak, wanita merupakan tulang utama dalam membentuk generasi yang penyayang dan progresif. Maka peranan wanita dalam era globalisasi kian mencabar kerana mereka perlu mengimbangi tuntutan tanggungjawab kepada keluarga dan kerjaya. Dalam menangani tuntutan tersebut, mereka perlu memiliki kekuatan dari segi mental dan fizikal bagi mendepani realiti kehidupan ini.



SUMBER B

Arahan: Baca petikan karangan di bawah ini dengan teliti.

Wanita...tenaga penggerak yang berkuasa...

oleh Zit Azran Abd Rahim, Ogos 2015)



Persidangan Dunia Bangsa-Bangsa Bersatu tentang Wanita pada tahun 1995 di Beijing menggesa supaya “Penyertaan yang penuh dan sama rata wanita dalam politik, sivil, ekonomi, sosial dan kebudayaan.” Sudah dua dekad berlalu, namun jurang peluang ekonomi untuk wanita masih lebar. Lebih daripada 100 buah negara di dunia masih mempunyai dasar perundangan yang membatasi penyertaan wanita dalam ekonomi. Meskipun wanita dibenarkan menyertai tenaga kerja, masih terdapat cabaran diskriminasi terhadap mereka. Di Amerika Syarikat misalnya, pekerja wanita tidak mendapat ganjaran atau upah yang sama dengan lelaki walaupun menjalankan kerja yang sama. Sebenarnya banyak undang-undang sudah diluluskan di beberapa buah negara untuk mencegah diskriminasi terhadap wanita, namun pelaksanaan dan penguatkuasaannya masih longgar.

Walau bagaimanapun kebanyakan pemimpin dalam berbagai-bagai sektor mula menyedari bahawa tindakan mengetepikan peranan wanita adalah tidak wajar dan tidak bijak, malah tidak menguntungkan mana-mana pihak. Data daripada *Organisation for Economic Cooperation and Development* (OECD) menunjukkan bahawa jika wanita diberi peluang seperti lelaki, Keluaran Negara Kasar global akan meningkat sebanyak 12 peratus menjelang 2030. Demikianlah pentingnya peranan dan sumbangan wanita terhadap ekonomi sesebuah negara.

Malah kini diakui bahawa wanita merupakan tenaga penggerak yang berkuasa dalam apa sahaja bidang, berperanan sebagai pelengkap dalam urusan pembangunan serta penyumbang penting kepada perkembangan politik negara.

Arahan: Berdasarkan Sumber A dan Sumber B, jawab soalan-soalan yang berikut dengan menggunakan ayat kamu sendiri. Kemudian, tulis jawapan kamu di dalam kertas jawapan yang disediakan.

- 11 Berdasarkan Sumber A nyatakan cabaran-cabaran yang perlu dihadapi oleh golongan wanita masa kini? (4 markah)
- 12 Berdasarkan Sumber B, nyatakan sebab mengapa wanita masih belum mendapat peluang ekonomi yang sewajarnya? (4 markah)
- 13 Wanita kini semakin berpengaruh dan sumbangan mereka diiktiraf dunia. Jelaskan bagaimanakah Sumber A dan Sumber B saling menyokong pernyataan ini. (7 markah)
- 14 Memandangkan wanita kini semakin memainkan peranan yang lebih besar dalam pembangunan negara, tidakkah hal ini menghambat wanita daripada melaksanakan tuntutan mereka sebagai isteri, ibu ataupun anak? Beri pendapat kamu tentang kenyataan ini. Jawapan kamu tidak harus melebihi 160 patah perkataan. (15 markah)

SELESAI ☺



**ANDERSON JUNIOR COLLEGE
JC2 PRELIMINARY EXAM 2015
BAHASA DAN KESUSASTERAAAN MELAYU
MLL H2 9559 PAPER 2**

Tarikh : 17 Sep 2015

Masa : 3 JAM

ARAHAN

ARAHAN:

- 1) Baca arahan yang diberikan dengan teliti. Kemudian, jawab soalan seperti yang diarahkan.
- 2) Calon dibenarkan merujuk buku-buku teks yang telah ditetapkan.
- 3) Lampirkan muka surat hadapan ini pada kertas jawapan kamu.

Nama Calon : _____ No PDG : _____

BAHAGIAN	NO. SOALAN	MARKAH
BAHAGIAN A NOVEL		
BAHAGIAN B CERPEN		
BAHAGIAN C SAJAK		
BAHAGIAN D DRAMA		
JUMLAH MARKAH		

Jawab EMPAT soalannya. Calon hendaklah menjawab SATU soalannya dari setiap Bahagian A, Bahagian B, Bahagian C dan Bahagian D.

BAHAGIAN A
Novel RESTU oleh Ismail Kassan

- 1 *"...Cuba buat secara lebih bijaksana; bertindak dengan berhati-hati..." Pak Usop menepuk bahu Ikram.* (Novel Restu, ms 122-123)

Buktikan kebenaran kata-kata Pak Usop itu, dengan memberikan contoh-contoh yang sesuai dari novel **Restu**, karya Ismail Kassan.

(25 markah)

- 2 Melalui pengalaman dan pengamatan yang tajam, penulis memaparkan hitam putih kehidupan agar pembaca mendapat contoh teladan bagi perkara yang baik, dan menjadikan sempadan bagi perkara yang buruk. Dengan merujuk kepada novel **Restu** karya Ismail Kassan, nyatakan apakah perkara-perkara yang dapat kamu jadikan teladan dan sempadan.

(25 markah)

BAHAGIAN B
Cerpen – Begitulah Kata-Kata

- 3 Dalam memastikan kita melalui jalan yang betul, salah satu perkara yang perlu kita beri perhatian serius ialah orang-orang yang kita dampingi dalam hidup ini. Buktikan kenyataan ini dengan berdasarkan cerpen **Suatu Perjalanan Sebuah Peta Sebuah Roti**, karya Basiran Haji Hamzah.

(25 markah)

- 4 Kesukaran bagi manusia untuk mencapai kesempurnaan adalah disebabkan sifat manusia itu sendiri. Beri pendapat kamu dengan merujuk cerpen **Yang**, tulisan Jamal Ismail.

(25 markah)

BAHAGIAN C

Sajak – Begitulah Kata-Kata

- 5 Sajak **Menjaring Mentari Hidupku**, karya Abdul Kadir Pandi menyedarkan pembaca tentang kehidupan dan sikap negatif manusia. Buktikan.
(25 markah)
- 6 Melalui sajak **Pustakaku dalam Remang Senja**, penyajaknya Sa'eda Buang mengetengahkan peri pentingnya mendalami ilmu pengetahuan demi pembinaan individu dan bangsanya. Huraikan pernyataan ini.
(25 markah)

BAHAGIAN D

Drama – Begitulah Kata-Kata

- 7 Melalui drama **Titik Pertemuan**, Rohman Munasip berjaya menggunakan aspek latar masyarakat dgn berkesan dalam mengetengahkan mesej yang ingin disampaikan kepada generasi muda.
(25 markah)
- 8 Melalui watak-watak yang diciptakan dalam drama **Anjing untuk Diplomat**, Hamed Ismail, cuba memperlihatkan kepada pembaca cabaran yang dihadapi mereka untuk terus menakat (survive) dalam era pasca penjajahan.
(25 markah)

SELESAI 😊

AJC JC2 H2MLL Prelims 2015 KERTAS 1 : Skema Jawapan

BAHAGIAN A – Lengkapkan teks

1. secara 2. sejak 3. Menurut 4. Persoalannya 5. kekal/ terus

BAHAGIAN B (30 markah)

1. Mengapakah manusia selalu memberi alasan apabila menghadapi sesuatu kegagalan?

i	Memang lumrah sifat semula jadi sebilangan manusia gemar mencari dan memberikan alasan kelemahan diri sendiri jarang-jarang dapat dilihat.
ii	berasa lebih selamat dengan menyalahkan pihak lain ingin berlindung di sebalik sebab sebenar sesuatu masalah itu berlaku.

- 7 Terangkan kesannya jika manusia sentiasa mencari alasan atas segala masalah yang berlaku.

i	Berlakunya keruntuhan tamadun manusia Sejarah telah membuktikan bahawa kebanyakan tamadun hebat dunia yang runtuh juga berpunca daripada sikap suka menyalahkan pihak lain, contohnya Empayar Rom mengalami keruntuhan kerana sikap pemimpin mereka ketika itu sering bertelagah dan saling menyalahkan pihak lain apabila mengalami kegagalan.
ii	Menjejaskan perhubungan antara manusia Terutamanya dalam bidang perniagaan - Para peniaga yang asyik menyalahkan orang lain ketika keadaan mereka gawat, seolah-olah mereka mencipta 'musuh' mereka sendiri dan akhirnya tiada faedah yg dapat diraih

- 8 Mengapakah dikatakan kegagalan itu merupakan guru yang sering memaafkan kita.?

i	Menyedarkan kita bahawa diri kita bermasalah atau masalah itu berpunca daripada kelemahan dirinya sendiri Maka manusia akan berusaha keras untuk memperbaiki kelemahannya
ii	Kita dapat menemui titik permulaan untuk melangkah ke hadapan jika kita berani menerima kegagalan diri sendiri.

- 9 Bagaimanakah perlu kita persiapkan diri menghadapi apa sahaja kemungkinan?

i	Perlu mempunyai kemampuan utk mengesan kelemahan dan kekurangan diri agar dapat meningkatkan motivasi utk berjuang mencapai kejayaan.
ii	Sering bermuhasabah diri dan membulatkan tekad yang jitu untuk bersedia berhadapan dengan kegagalan dan tidak mencari alasan kepada kegagalan yg berlaku

- 10 a) lumrah = biasa, lazim b) gawat =keadaan yang genting c) membulatkan tekad=menetapkan azam/niat

BAHAGIAN C (30 markah)

- 11 Berdasarkan Sumber A nyatakan cabaran2 yg perlu dihadapi oleh golongan wanita masa kini?

- golongan wanita harus terus mengorak langkah bagi merebut peluang dan ruang yang ada untuk mempertingkatkan pencapaian mereka dan menyahut cabaran yang lebih besar untuk terus berperanan dan berjaya sejajar dengan kemajuan Negara.

- mereka bukan sahaja perlu mengimbangi tuntutan tanggungjawab kepada keluarga dan kerjaya, malah harus memiliki kekuatan dari segi mental dan fizikal bagi mendepani realiti kehidupan ini.

12 Berdasarkan Sumber B, nyatakan sebab mengapa wanita masih belum mendapat peluang ekonomi wanita yang sewajarnya?

- masih ada dasar perundangan yang membatasi penyertaan wanita dalam ekonomi.
- Pelaksanaan dan penguatkuasaan undang-undang untuk mencegah diskriminasi terhadap wanita, masih longgar.

13. Wanita kini semakin berpengaruh dan sumbangan mereka diiktiraf dunia. Jelaskan bagaimanakah Sumber A dan Sumber B saling menyokong pernyataan ini.

Isi 1 Sumbangan mereka diiktiraf:

Sumber A - **banyak usaha dilakukan** bagi menyediakan persekitaran yang kondusif untuk **memastikan penyertaan wanita lebih berkesan** dalam pembangunan negara dan seterusnya menyumbang kepada kestabilan pertumbuhan ekonomi.

Sumber B - kebanyakan pemimpin dalam berbagai-bagai sektor **mula menyedari** bahawa tindakan mengetepikan peranan wanita adalah tidak wajar dan tidak bijak, malah tidak menguntungkan mana-mana pihak.

Isi 2 Wanita semakin berpengaruh

Sumber A - Golongan Hawa kini berupaya meraih pendapatan dan kekayaan, dan peranan wanita semakin berpengaruh bukan sahaja dalam hal rumah tangga, tetapi juga dalam organisasi mahupun negara.

Sumber B - Wanita kini merupakan tenaga penggerak yang berkuasa dalam apa saja bidang, berperanan sebagai pelengkap dalam urusan pembangunan serta penyumbang penting kepada perkembangan politik negara.

14 Memandangkan wanita kini semakin memainkan peranan yang lebih besar dalam pembangunan negara, tidakkah hal ini menghambat wanita daripada melaksanakan tuntutan mereka sebagai isteri, ibu ataupun anak? Beri pendapat kamu tentang kenyataan ini.

Setuju:

- Kurang masa utk mendirikan rumahtangga dan membina keluarga
- Kurang perhatian diberikan kepada suami dan anak2 – masalah keretakan rumahtangga dan masalah anak2 terbiar
- Sbg anak – tidak dpt melaksanakan tugas menjaga ibu dan bapa – dilemma dan tekanan

Tidak setuju

- Dpt laksanakan tugas sbg ibu dgn lebih baik lagi – berpandangan lebih luas dan berupaya membentuk anak2 menjadi cemerlang
- Sejauh ini dpt mengimbangi tuntutan – jika mereka berusaha membahagi masa dan keutamaan dgn betul dan berkesan
- Dapat melaksanakan tugas mereka dgn sokongan banyak pihak – spr ibu bapa dan khidmat sosial yg terdapat dalam masyarakat.
- Membantu meningkatkan kestabilan ekonomi keluarga – keluarkan keluarga drp lingkaran kemiskinan

AJC JC2 H2MLL Prelims 2015 KERTAS 2 : Skema Jawapan

BAHAGIAN A : Novel RESTU oleh Ismail Kassan

- 1 *"...Cuba buat secara lebih bijaksana; bertindak dengan berhati-hati, kau tak akan rugi apa pun." Pak Usop menepuk bahu Ikram. Novel Restu, ms 122-123.*

Buktikan kebenaran kata-kata Pak Usop itu, dengan memberikan contoh-contoh yang sesuai dari novel Restu, karya Ismail Kassan.

- Ketika berhadapan dgn Rozali dalam gelanggang persilatan ms194-195
- Ketika berhadapan dgn Rozali dan 3 lembaga hitam ms232/235-242
- Menyelesaikan masalah dgn Leman Fail ms224-228
- Berdepan dgn Pak Nawi dan Ramli
- Meredakan permusuhan antara Ikram dan Ramli ms121-123

- 2 Melalui pengalaman dan pengamatan yang tajam, penulis memaparkan hitam putih kehidupan agar pembaca mendapat contoh teladan bagi perkara yang baik, dan menjadikan sempadan bagi perkara yang buruk. Dengan merujuk kepada novel **Restu** karya Ismail Kassan, nyatakan apakah perkara-perkara yang dapat kamu jadikan teladan dan sempadan.

Perkara baik yg dijadikan contoh dan teladan	Perkara buruk yg dijadikan sempadan
Ketabahan Ikram mengharungi pelbagai cabaran hidup – kematian bapanya, pemergian Yazid, mengurus ladang nanas sendirian setelah ibunya berkahwin dan berpindah ke Mersing serta kegagalannya mendapatkan tanahnya selepas pengundian dijalankan Kegigihan Ikram utk berjaya dlm pelajaran semasa di sekolah menengah dan kemudian menyara kos pendidikan semasa di universiti	Tindakan pemimpin spr Tok Leman yg tidak bertanggungjawab – menyebabkan penduduk kampung tiada geran tanah masing-masing Terlalu mempercayai orang yang dianggap berkuasa dan dapat membantu/ perjanjian yg tidak dilakukan secara hitam putih
Percintaan antara Ikram dan Hasnah – Ikram berkorban utk tidak menyedihkan hati ibunya/ pengorbanan Ikram terhadap ibu dan keluarganya	Berdendam dan iri hati spr tindakan Rozali - menyerang Ikram/ menikam Tok Leman/ mencabar Ikram di gelanggang silat
Muafakat dan tolong menolong antara ahli keluarga terutamanya dlm masa kesusahan – Ikram sekeluarga sifat menolong mereka yg susah – Pak Usop Cikgu Maimunah yg selalu membantu Ikram	Tindakan pentingkan diri Leman Fail pentingkan diri – enggan bekerjasama kerana takut kerugian/ Pak Nawi dan Ramli
Berani bertindak demi kebenaran – tindakan Ikram bertemu Pak Nawi dan Yazid bersemuka dgn Tok Leman/	Memfitnah - Yazid dituduh menikam Tok Leman/ Rozali membiarkan Yazid dituduh – menutup kesalahan diri menikam Tok Leman
Menggunakan pemikiran yg tenang dan rasional apabila membuat sebarang tindakan/ keputusan <ul style="list-style-type: none">- Dalam gelanggang persilatan- Cara Pak Usop menenangkan penduduk kampung semasa masalah penduduk tiada geran tanah dll- Jalil mendapatkan Ikram utk membantunya melaksanakan projek pembangunan	Menggunakan kekerasan utk mengatasi masalah – Pak Nawi Rozali – percubaannya utk mencederakan Ikram

BAHAGIAN B : Cerpen – Begitulah Kata-Kata

- 3 Dalam memastikan kita melalui jalan yang betul, salah satu perkara yang perlu kita beri perhatian serius ialah orang-orang yang kita dampingi dalam hidup ini. Buktikan kenyataan ini dengan berdasarkan cerpen **Suatu Perjalanan Sebuah Peta Sebuku Roti**, karya Basiran Haji Hamzah.
- Alif mendapat nasihat penting drp **orang tua yg gigih meneruskan perjalanannya** / mendampingi orang yg dapat dicontohi utk menjaga hati dan peta diri/ Elak daripada mengikut orang2 yg melalui jalan yg tidak betul spr mengikut denai babi, berlumpur bernajis dll
 - Mendampingi orang yg lebih berpengalaman dan memahami apa yg sedang dilakukannya/ orang yg dapat memberikan kita nasihat yg berguna – yg dapat kita jadikan panduan utk hidup dgn cara yg diredhai
 - Elak mendampingi orang-orang yang leka dan membuang waktu spr kawan2 Alif yg mengajaknya ke arah maksiat dan kelekaan – perlu elakan orang2 yg mengajak ke arah kelekaan dan melakukan maksiat/
 - Mendampingi org2 yg berilmu, orang2 yg mempunyai ilmu yg betul – agar dapat meraih ilmu yg betul/ berguru kpd yg mursyid
 - Mendampingi ahli keluarga sendiri yg menjadi sandaran dan pendorong / menasihati kita ke arah jln yg betul – spr Abang Alif yg mengingatkannya akan tujuan perjalanan dan bersyukur
- 4 Kesukaran bagi manusia untuk mencapai kesempurnaan adalah disebabkan oleh sifat manusia itu sendiri. Beri pendapat kamu dengan merujuk cerpen **Yang**, tulisan Jamal Ismail.
- Sifat sombong manusia – memandang rendah terhadap orang lain cth urus setia / tidak mahu muhasabah diri
 - Tiadanya nilai simpati - Apa yg kita anggap sempurna masih punyai kekurangan – cth Bangunan yg dianggap elit – masih punya kekurangan, dr segi fizikal dan juga ketiadaan nilai simpati
 - Sifat tidak puas hati dgn apa yg telah dicapai - Manusia sedar bahawa walaupun kita rasakan kita sudah capai kesempurnaan yg diinginkan namun manusia masih belum puas dan ingin terus bekerja utk meneruskan kesempurnaan yg sudah dicapai
 - Sifat pentingkan diri – enggan membantu walaupun kita ketahui ada yg memerlukan pertolongan kita/ lebih pentingkan keselesaan diri
 - Sifat terlalu bergantung/ perlu bergantung kpd org lain utk mencapai kesempurnaan yg diinginkan – Ketua Jabatan terlalu mengharapkan Simpati

BAHAGIAN C : Sajak – Begitulah Kata-Kata

- 5 Sajak **Menjaring Mentari Hidupku**, karya Abdul Kadir Pandi menyedarkan pembaca tentang kehidupan dan sikap negatif manusia. Buktikan. (25 markah)
- Kehidupan yg fana/ usia yg semakin singkat - melihat fenomena matahari terbit dan terbenam = permulaan hari dan akhirnya hari – manusia perlu menghitung singkatnya usia/ perlu menghargai hari esok
 - peringatan drp yang Esa seburuk mana atau sebaik mana sesuatu itu pasti kita dapat peroleh iktibar drpnya – dgn kesedaran ini barulah manusia akan hargai bahawa hidup ini masih ada harapan dan nikmat
 - Sikap sombong/ enggan mengaku kesilapan yg dibuat malah menyalahkan orang lain utk menutup kelemahan diri / berpura-pura tidak melakukan kesalahan - bersikap zalim manusia terhadap orang lain dan dirinya sendiri

- sikap enggan bermuhasabah diri – tidak menilai sama ada adakah kita telah melakukan kesilapan dan adakah segala tanggungjawab dan tuntutan telah dilaksanakan agar menjadi insan yg lebih baik

6 Melalui sajak Pustakaku dalam Remang Senja, penyajaknya Saedah Buang mengetengahkan peri pentingnya mendalami ilmu pengetahuan demi pembinaan individu dan bangsanya. Huraikan pernyataan ini.

Utk pembangunan individu:

- Dapat bertemu dgn mendalami pemikiran pemikir2 terkenal/tersohor
- Melalui pencarian ilmu, dapat kita tanamkan nilai2 murni dlm diri kita spr nilai kegigihan, dan kesabaran
- Berupaya mencari kebenaran - **Kepentingan menggunakan akal, rohani dan nurani dalam mencari kebenaran** - Hanya dengan gabungan akal, rohani dan nurani sahajalah manusia dapat mencari kebenaran dengan harapan menemui kepastian yang didambakan

Utk pembinaan bangsa:

- Ilmu yg ditemui dapat membangunkan bangsa – melalui perkongsian ilmu yg didapati dan menghasilkan penemuan baharu
- **Mendorong masyarakat agar memikirkan semula teori yang telah dihasilkan - perlu difikirkan semula kerelevanannya** - Manusia pasti menemui pelbagai teori dan pelbagai pendapat dalam mencari ilmu/mencari kebenaran. Mereka perlu memikirkan semula teori tersebut dan tidak menerima bulat-bulat teori yang telah dihasilkan atau pendapat yang diutarakan

BAHAGIAN D : Drama – Begitulah Kata-Kata

7 Melalui drama Titik Pertemuan, Rohman Munasip berjaya menggunakan aspek latar masyarakat dgn berkesan dalam mengetengahkan mesej yang ingin disampaikan kepada generasi muda.

Latar masyarakat	mesej
<p>Pecinta/ penulis dan pengkritik sastera</p> <p>Yusman dan Adam bertukar-tukar pendapat mengenai ciri-ciri karya Islam yang baik dan konsep sastera Islam berlandaskan teori karyadelisme (hlm216). Walaupun berlainan pendapat mereka berdua terbuka untuk menerima pandangan satu sama lain. Yusman berpandangan</p> <p>Masy yg gemarkan majlis ilmu</p>	<p>Sikap menghormati pandangan orang lain membolehkan perbincangan yang produktif dijalankan.</p>
<p>Golongan yg suka membaca</p> <p>Watak Yusman tidak berhenti membaca walaupun dalam usia senja. Membaca jambatan ilmu menjadi prinsip hidupnya (hlm209).</p> <p>Yusman, Umi, Lina dan Adam masing-masing gemar membaca. Adam gemar membaca novel-novel Melayu dan menjadi pengkritik (hlm211), manakala Yusman suka membaca apa sahaja bahan bacaan dan tidak terhad kepada novel sahaja (hlm208).</p> <p>Watak Adam yang gemar mengkritik dan mengulas buku sastera juga menunjukkan bahawa dia mementingkan ilmu. Adam minat membaca buku-buku sastera Melayu (hlm211) dan sedar akan tanggungjawab anak muda dalam melestarikan bahasa dan sastera Melayu (hlm204).</p>	<p>Kepentingan menimba ilmu</p> <p>Membaca menjadikan seseorang individu lebih dewasa</p>

<p>Warga tua yg sabar vs warga muda yg tergesa2 melakukan sesuatu</p> <p>Yusman memperlihatkan sifat sabar dan tenang semasa bertukar-tukar pendapat dengan Adam berkenaan novel 'Purdah' (hlm215). Sebaliknya, Adam menunjukkan sikap tergesa-gesa ingin mempertahankan pendiriannya dalam perbincangan tersebut. Adam mengakui sendiri dan berkongsi dengan ibunya dengan mengatakan bahawa Yusman seorang yang tenang dalam percakapan dan sentiasa menyusun kata-kata (hlm220) tidak seperti dirinya yang kadangkala meninggikan suara tanpa disedari apabila berbincang dengan Yusman.</p>	<p>Kesabaran membawa ganjaran.</p>
<p>Keluarga yg mempunyai hubungan baik antara satu sama lain</p> <p>Hubungan yang erat antara ibu dan anak jelas terpancar pada hubungan Umi Sumirah dengan anaknya, Adam. Adam seorang anak yang menghormati dan mematuhi ibunya serta mereka selesa berbual dan berseloroh (hlm225).</p>	<p>Generasi muda perlu menghormati yang lebih tua.</p>

8 Melalui watak-watak yang diciptakan dalam drama **Anjing untuk Diplomat**, Hamed Ismail, cuba memperlihatkan kepada pembaca cabaran yang dihadapi mereka untuk terus menakat (survive) dalam era pasca penjajahan.

- Pierre – utk dapatkan kedudukan, / kekayaan diri dan keluarga dalam zaman masyarakat cuba melepaskan diri daripada cengkaman penjajahan British/ bekerjasama dgn Tan Ah Kim utk menimbulkan huru hara agar masyarakat tidak mempercayai kuasa British – jadi pihak Perancis dapat kukuhkan kedudukan / dia juga mempergunakan Sonia utk menggoda T Kamaruddin agar T K dapat mempengaruhi ayahandanya memberi keizinannya utk pihak Perancis buka estet di negeri Melayu.
- T Kamaruddin berdepan dgn Pierre yg licik / serta cuba menghapuskan pergerakan bawah tanah – utk mengukuhkan kedudukan dan dapat menjadi Tengku Mahkota di negerinya.
- Cabaran utk bebaskan diri drp cengkaman org yg mempergunakan mereka dan demi meningkatkan kedudukan sosial – terpaksa mengikut arahan Pierre cuba menggoda T Kamaruddin
- Cabaran utk keluar drp kemiskinan Tan Ah Kim dan juga berdepan dgn penindasan golongan kapitalis/ kolonial – sanggup bekerjasama dgn Pierre agar dia dapat ganjaran utk lepaskan diri drp kemiskinan / begitu juga dgn Sally kakak Tan Ah Kim – sanggup menggadai maruah diri dgn harapan dapat menjadi isteri diplomat / isteri Pierre – spr yg dijanjikan Pierre
- Wak Arjo yg terpaksa mengikut kehendak majikan demi mencari rezeki w/pun terpaksa melakukan perkara yg haram